

鄭氏周易注

附補遺



鄭氏周易注

附補遺

鄭玄撰
王應麟輯
惠棟增補
孫堂補遺

中華書局

叢書集成初編

鄭氏周易注 附補遺

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米 三十二分之一
統一書號：一七〇一八·一五一

圖辰爻月二十



惠定宇曰周易乾鑿度曰乾陽也坤陰也並如而交錯行乾貞於十一月子左行陽時六

康成注云貞正也初爻以此

爲正次爻左右者各次數之

坤貞於六月未乾坤陰陽之主陰退一辰故貞於未

右行陰時六以順成其歲歲終從於屯蒙

歲終則從其次屯蒙

需訟是也

又云陰卦與陽卦同位者退一辰以未爲貞其爻右行閒時而治六辰陰陽同位陰退一辰謂左右交錯相避

棟案

乾鑿度之說與十二律相生圖合鄭于周禮太師注云黃鍾初九也下生林鍾之初六林鍾又上生太簇之九二太簇又下生南呂之六二南呂又上生姑洗之九三姑洗又下生應鍾之六三應鍾又上生蕤賓之九四蕤賓又上生大呂之六四大呂又下生夷則之九五夷則又上生夾鍾之六五夾鍾又下生無射之上九無射又上生中呂之上六章昭注周語云十一月黃鍾乾初九也十二月大呂坤六四也正月太簇乾九二也二月夾鍾坤六五也三月姑洗乾九三也四月中呂坤上六也五月蕤賓乾九四也六月林鍾坤初六也七月夷則乾九五也八月南呂坤六二也九月無射乾上九也十月應鍾坤六三也鄭氏注易陸績注太元皆同前說是以何妥文言注以初九當十一月九二當正月九三當三月九四當五月九五當七月上九當九月也宋儒朱子發作十二律圖六二在巳六三在卯六五在亥上六在酉是坤貞于未而左行其誤甚矣今作圖以正之

圖宿八十二值所辰交



右圖朱子發云子寅辰午申戌陽也乾之六位未巳卯丑亥酉此亦誤當云未酉亥丑卯巳所謂右行陰時六也陰也坤之六位位之升降不違其時故曰大明終始六位時成棟案康成注月令云正月宿直尾箕八月宿直昂畢六月宿直鬼又云六月宿直東井九月宿直奎十月宿直營室又云卯宿直房心二月申宿直參伐七月又注季冬云此月之中日歷虛危參同契曰青龍處房六兮春花震東卯白虎在昂七兮秋芒兌西酉朱雀在張二兮離南午又云含元虛危播精於子皆與圖合若以日所歷言之則右行而周二十八舍明堂月令所謂孟春之月日在營室是也與此不同堂案參同契三相類後語篇離南午三字上有正陽二字

序

宋王應麟集鄭康成易注一卷。明姚士麟又增入二十五條。見祕冊彙函易解附錄後語。惠徵君棟因其撫采未備。復取而補正之。每條下注明元書出處。釐爲三卷。較王氏元本共多九十二條。又作十二月爻辰圖。爻辰所值二十八宿圖。以闡明鄭學。好古者咸快心焉。然此書止有雅雨堂刊本。內尙有訛脫者。有未注書所出者。堂因爲之正其訛。補其脫。注其所未注者。并有所出不一書。元注未備列者。今備列之。其古文之異於今文者。則別爲補遺一卷。附錄惠氏元書之後。蓋不敢與惠書相亂故也。孫堂識。

元序

鄭康成學費氏易爲注九卷多論互體以互體求易左氏以來有之凡卦爻二至四三至五兩體交互各成一卦是謂一卦含四卦繫辭謂之中爻所謂八卦相盪六爻相雜唯其時物雜物撰德是也唯乾坤无互體蓋純乎陽純乎陰也餘六子之卦皆有互體坎之六畫其互體含艮震而艮震之互體亦含坎離之六畫其互體含兌巽而兌巽之互體亦含離三陽卦之互體自相含三陰卦之互體亦自相含也王弼尙名理譏互體然注睽六二曰始雖受困終獲剛助睽自初至五成困此用互體也弼注比六四之類或用康成之說鍾會著論力排互體而荀顗難之江左鄭學與王學並立荀崧謂康成書根源顏延之爲祭酒黜鄭置王齊陸澄詒王儉書云易自商瞿之後雖有異家之學同以象數爲宗數年後乃有王弼之說王濟云弼所誤者多何必能頓廢先儒今若宏儒鄭注不可廢河北諸儒專主鄭氏隋興學者慕弼之學遂爲中原之師此景迂晁氏所慨歎也易有聖人之道四焉理義之學以其辭耳變象占其可闕乎李鼎祚云鄭多參天象王全釋人事易道豈偏滯於天人哉今鄭注不傳其說閒見于鼎祚集解及釋文詩三禮春秋義疏後漢文選注因綴而錄之先儒象數之學於此猶有攷云然康成箋詩多改字注易亦然如包蒙爲彪積豕之牙爲互包荒讀爲康錫馬蕃庶讀爲蕃遮皆甲宅之皆讀爲解一握爲笑之握讀爲屋其說近乎鑿學者盍謹擇焉厭常喜新其不爲荄茲者幾希沒儀王應麟識

雅雨堂元序

鄭氏之學，立於學官，自漢魏六朝數百年來，無異議者。唐貞觀中，孔穎達撰五經正義，易用王輔嗣書，用孔安國而二經之鄭義遂亡。今傳者惟三禮毛詩而已。然北宋時，鄭易猶存文言、說卦、序卦、雜卦四篇，載於崇文總目。故朱漢上震、晁嵩山說之，俱引其說。至南宋而四篇亦佚。於是浚儀王厚齋應麟始裒羣籍，爲鄭氏易一卷。前明胡孝轅震亨刊其書，附李氏易傳之後。往余讀五經正義，所采鄭易，閒及爻辰，初未知爻辰爲何物。及攷鄭注周禮太師與章宏嗣昭注周語，乃律家合辰樂家合聲之法。蓋乾坤十二爻，左右相錯，乾鑿度所云，閒時而治六辰，故謂之爻辰也。漢儒說易，並有家法，其不苟作如此。第厚齋所集，尙有遺漏。吾友元和惠子定宇，世通古義，重加增輯，并益以漢上、嵩山之說，釐爲三卷。今依孝轅之例，仍附於李傳之後，用廣其傳於世。余學易有年，每講求漢儒遺書，以求印正，雖斷簡殘編，未敢有所忽略。此書之傳，雖不及三禮毛詩之完具，然漢學易義無多，存之以備一家，好古之士，或有攷於斯。德州盧見曾撰。

鄭氏易贊

易之爲名也。一言而函三義。簡易、一也。變易、二也。不易、三也。故繫辭云。乾坤其易之緼邪。又曰。易之門戶邪。又曰。夫乾。確然示人易矣。夫坤。隤然示人簡矣。易則易知。簡則易從。此言其易簡之法則也。又曰。其爲道也。斐遷變動不居。周流六虛。上下无常。剛柔相易。不可爲典要。唯變所適。此言從一作順時變易。出入移動者也。又曰。天尊地卑。乾坤定矣。卑高以陳。貴賤位矣。動靜有常。剛柔斷矣。此言張設布列不易者也。據茲三義。而說易之道廣矣大矣。堂案鄭氏易贊。見世說新語文學門劉峻注。又見正義序。

鄭氏周易注卷上

王應麟撰集 惠棟增補 平湖孫堂重校

上經

乾

九二見龍在田利見大人

二于三才爲地道地上卽田故稱田也。集解九二利見九五之大人。正義

九三君子終日乾乾夕惕若厲无咎

三于三才爲人道有乾德而在人道君子之象。集解惕懼也。釋文

九五飛龍在天利見大人

五于三才爲天道天者清明无形而龍在焉飛之象也。集解堂案元本无也字今據集解補。

上九亢龍有悔

堯之末年四凶在朝是以有悔未大凶也。正義

用九見羣龍无首吉

六爻皆體乾。一作羣龍之象也。舜既受道。道一作禹與稷契咎繇之屬並在干朝。後漢鄭顯傳注

萬物資始。乃統天。

資、取也。統、本也。釋文

大人造也。

造、徂早。釋文
反、爲也。

文言傳附

君子體仁足以長人。

體、生也。文選注二

不成名。釋文

當隱之時。以從世俗。不自殊異。無所成名也。集解

確乎其不可拔。

確、堅高之貌。拔、移也。釋文

閑邪以存其誠。會通晁氏云。

君子進德脩業及時。故无咎。晁氏

聖人作。

作、起也。釋文

亢龍有悔窮志災也。

利貞者情性也。

漢上易
異氏同。

乾始而以美利利天下。

異氏
云。

坤

履霜堅冰至。

履讀爲禮。

釋文

馴致其道。

馴從也。

釋文

六二直方。

直也。方也。地之性。此爻得中氣而在地上。自然之性。廣生萬物。故生動直而且方。

禮記深衣正義。
鄭氏經說云。鄭氏古易

云。坤爻辭履霜直方。章括囊黃裳元黃協
韻。故象傳文皆不釋大。疑大字衍。

龍戰于野。

聖人喻龍。君子喻蛇。

儀禮注。蛇龍
君子之類。

必有餘殃。

殃禍惡也。

釋文

爲其濂于陽也。釋文謂鄭作謙訛。故稱龍焉。

濂讀如羣公懷之懷。古書篆作立心。與水相近。讀者失之。故作濂。懷。雜也。陰。謂此上六也。陽。謂今消息用事乾也。上六爲蛇。得乾氣。雜似龍。詩采薇正義。堂案抱經堂釋文攷證。懷濂二字並改正。

屯

天造草昧。宜建侯而不寧。

造。成也。草。草創。昧。昧爽也。文選注三十八。讀而曰能。能猶安也。釋文。堂案類篇云。而。奴登切。

君子以經綸。

謂論撰書禮樂施政事。釋文。正義曰。劉表。鄭元以綸爲論字。

六二。乘馬般如。堂案釋文云。班。鄭本作般。

馬牝牡曰乘。釋文。

匪寇昏媾。

媾。猶會也。釋文。堂案此句亦見正義。釋文無也字。正義有。

君子機不如舍。

機。弩牙也。釋文。

以從禽也。從。子用反。釋文。堂案子字舊作于。今據攷證改。

蒙

蒙亨。匪我求童蒙。童蒙求我。初筮告。再三瀆。瀆則不告。

蒙者。蒙蒙。物初生形。是其未開著之名也。人幼稚曰童。未冠之稱。亨者。陽也。瀆。褻也。筮。問也。互體震而得中。嘉會禮通。陽自動其中。德施地道之上。萬物應之而萌芽生。教授之師取象焉。脩道藝于其室。而童蒙者。求爲之弟子。非已乎求之也。弟子初問。則告之以事義。不思其三隅相況以反解而筮者。此勤師而功寡。學者之災也。瀆筮則不復告。欲令思而得之。亦所以利義而幹事也。公羊疏。釋文。

初六。用說桎梏。

木在足曰桎。在手曰梏。周禮大司寇疏。

九二。苞蒙。

苞當作彪。彪。文也。釋文。

順以巽也。

巽當作遜。釋文。堂案巽。古遜字。書堯典。汝能庸命。巽朕位。彼釋文云。巽音遜。馬云讓也。

上九。繫蒙。釋文。

需

需讀爲秀。陽氣秀而不直前者。畏上坎也。釋文。

光亨貞吉。釋文云。鄭

位。音位。釋文

君子以飲食宴樂。

宴。享宴也。釋文

九二。需于沚。釋文

沚。接水者。詩。鸛。正。義。引。作。沙。堂。案。說。文。云。沙。譚。長。說。或。從。火。

致戎至。釋文

訟

辯財曰訟。釋文

有孚沚。

沚。覺悔貌。釋文

九二。歸而逋其邑人三百戶。无眚。

小國之下大夫。采地方一成。其定稅三百家。故三百戶也。正義。記正不易之田。歲種之。一易之田。休一歲

乃種。再易之田。休二歲乃種。言至薄也。苟自藏隱。不敢與五相敵。則无災眚。正義。正義。眚。過也。釋文

患至愷也。